



8. januar 2009

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

**Naalakkersuisunut apeqquteqaat:**

**Naalakkersuisut Siulittaasuata Ukiortaami oqalugiaatimini oqaaserisaa uppersaati-taqanngitsoq maanna Naalakkersuisunut uppersaqqullugu qinnuvigineqarput:**

**”Ilinniagaqassutsip qaffassarnissaa anguniarlugu immikkut iliuuseqarnerup sunniuteqariartornera malugiartulerlugu tulluusimaarnaqaaq. Meeqqat Atuarfiannit ingerlaqqikkusullutik ilinnialersartut amerliartuinnarput. Efterskolerusuttut amerlalluinnarput, aammalu ilinniar-nertuunngorniartuinnarput aallartittartut aatsaat taama amerlatigaat.”**

(Inatsisartunut ilaasortaq Astrid Fleischer Rex, Demokraatit)

**Tunngavigisaq:**

Naalakkersuisut Siulittaasuata Ukiortaami oqalugiarnermi oqaaseqaat mana uppersaati-taqanngitsoq ilannguppa:

*”Ilinniagaqassutsip qaffassarnissaa anguniarlugu immikkut iliuuseqarnerup sunniuteqariartornera malugiartulerlugu tulluusimaarnaqaaq. Meeqqat Atuarfiannit ingerlaqqikkusullutik ilinnialersartut amerliartuinnarput. Efterskolerusuttut amerlalluinnarput, aammalu ilinniarnertuunngorniartuinnarput aallartittartut aatsaat taama amerlatigaat.”*

Tamatumunnga akerliulluinnartumik Grønlands arbejdsgiverforening-ip pisortaa Henrik Leth imaattumik oqaaseqarpoq:

*”Eqqumiigaara Naalakkersuisut siulittaasuata pingaartumik ilinniartitaanerup tungaatigut arlaqartutigit oqaatigimmagu ullumikkut pissutsit atuuttut sionatigut pissutsinut naleqqiullugit pitsaanerummata. Ilisimasagulli tunngavigalugit oqaaseqaatit tamakkua takussutissartaannik sunnguamilluunniit saqqummiussisoqarnikuunngilaq.*

*Akerlianilli suliffeqarfinni ulluinnarni naammattoortuarpagut inuusuttut ilinniagaqarniarlutik takkuttartut akerlerluinnaarnik inissimasarnerat. Inuusuttut oqaatsit tungaasigut piginnaasaat annikippallaarput, inuusuttullu taakkua ilarpassuisa kisitsinermik matematik-imillu suliaqarnissamut teknikikkut piginnaasaat annikippallaartarlutik”*

Soorunami apeqqummi matumani Demokraatit imminnut nalilersuisutut inissikkusunngillat, kisiannili apeqqummut tassungha tunngatillugu kikkut ilumoortuunersut paaserusunnaarpoq, kisiannili Henrik Leth-ituullu Naalakkersuisut Siulittaasuata taamatut oqarneranut uppersaatinik perusuppugut.

Apeqquteqaatit ullut suliffiusut qulit qaangiutsinnagit akineqarnissaat kissaatigaakka.